



Broj: 05-50-1-2077-2/16
Sarajevo, 28. 7. 2016. godine

PARLAMENTARNA SKUPŠTINA BiH

- Zastupnički dom -

SARAJEVO

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29-07-2016			
Organizaciona jedinica	Klasifikaciona oznaka	Redni broj	Broj priloga
01-50-1-15-32/16			

PREDMET: Odgovor na zastupničko pitanje, *dostavlja se*

Vijeće ministara Bosne i Hercegovine, na 66. sjednici održanoj 28. 7. 2016. godine, utvrdilo je Odgovor na zastupničko pitanje koje je postavio Salko Sokolović, zastupnik u Zastupničkom domu Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



Bosnia and Herzegovina
COUNCIL OF MINISTERS

Broj: 05-50-1-2077-2/16

Sarajevo: 28.7.2016. godine



Salko Sokolović, zastupnik u Zastupničkom domu Parlamentarne skupštine Bosne i Hercegovine je dana 27.6.2016. godine, u skladu sa čl. 166. i 170. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), postavio sljedeće zastupničko pitanje:

„Kojim pravnim aktima je regulirana naknada troškova prijevoza na posao i s posla za zaposlene u institucijama BiH?

Kada je usvojen i objavljen akt o promjeni šifre u vezi s naknadom troškova prijevoza za zaposlene u institucijama BiH, a koji imaju prijavljeno prebivalište na području Lukavice-Istočno Sarajevo?

Kojim aktom je regulirano da je visina naknade za zaposlene u institucijama BiH koji žive u Federaciji BiH i onih koji žive u Republici Srpskoj, a međusobno su im adrese stanovanja udaljene od 100 do 500 metara u Lukavici-Istočno Sarajevo i Sarajevu, veća za 100% u korist zaposlenih iz Republike Srpske?

Koliko sredstava na mjesečnom nivou realizacija ove odluke, odnosno promjena spomenute šifre (npr. PSARLUK) košta institucije BiH?

Da li su svi zaposleni u institucijama BiH koji primaju naknadu za troškove prijevoza na posao i s posla potpisali izjavu kojom, pod krivičnom, moralnom i materijalnom odgovornošću, garantiraju tačnost podataka nevedenih u toj izjavi, a koji se tiču mjesta prebivališta i adrese stanovanja?“

Na postavljeno zastupničko pitanje, Vijeće ministara Bosne i Hercegovine, u smislu članka 37. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na 66. sjednici održanoj 28.7. 2016. godine utvrdilo je sljedeći

ODGOVOR

Pravo na naknadu troškova prevoza na posao i prevoza sa posla u institucijama Bosne i Hercegovine regulirano je odredbama članka 41. stavak (1) Zakona o platama i naknadama u institucijama BiH („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16). Naime odredbama predmetnog članka precizirano je da zaposlenom u instituciji BiH pripada pravo na naknadu troškova prevoza na posao i prevoza sa posla, ukoliko u instituciji nije organizovan prevoz.

Visina, način i postupak ostvarivanja prava na predmetnu naknadu reguliran je Odlukom o visini, načinu i postupku ostvarivanja prava na naknadu za prevoz na posao i prevoz sa posla u institucijama BiH („Službeni glasnik BiH“, br. 4/09, 58/09 i 6/12), koju je donijelo Vijeće

ministara BiH, sukladno odredbama članka 42. stavak (2) Zakona o platama i naknadama u institucijama BiH.

U skladu sa odredbama predmetne odluke, Ministarstvo financija i trezora BiH u okviru sistema COIP-a vodi poseban šifarnik relacija u kome evidentira podatke vezane za relaciju na kojoj zaposleni u instituciji BiH putuje i visinu cijena prevoza na istoj. Navedene podatke, Ministarstvo financija i trezora dobija od institucija BiH službenim putem, s tim da se u šifarnik, sukladno članku 3. stavak (7) Odluke, unosi najniža cijena ovlaštenog prevoznika na konkretnoj relaciji.

U slučaju da je došlo do promjene cijene karte na određenoj relaciji, Ministarstvo financija i trezora BiH, na zahtjev proračunskog korisnika, evidentira takvu promjenu u šifarniku relacija. Ista je procedura i kada je u pitanju unos podataka o novim relacijama na kojima putuju zaposleni u instituciji BiH.

Napominjemo Vas da pristup navedenom šifarniku imaju sve institucije Bosne i Hercegovine, uključujući i Parlamentarnu skupštinu BiH.

U skladu sa naprijed navedenim, odgovornost za izbor šifre relacije (izbor konkretne relacije na kojoj putuje zaposleni), a koja služi kao osnov za obračun naknade troškova prevoza na posao i prevoza sa posla zaposlenom u instituciji BiH, je na instituciji BiH kod koje zaposleni ima zasnovan radnopravni status.

Napominjemo Vas da je, sukladno odredbama članka 4. stavak (1) Odluke o visini, načinu i postupku ostvarivanja prava na naknadu za prevoz na posao i prevoz sa posla u institucijama BiH, zaposleni u instituciji BiH dužan podnijeti zahtjev za naknadu troškova prijevoza prema obrascu čiji sadržaj utvrđuje Ministarstvo financija i trezora BiH. Predmetna obveza se odnosi na sve zaposlene u institucijama BiH, bez izuzetka.

Dostavljanje neistinitih podataka (netačnost podataka navedenih u zahtjevu) ili neažuriranje podataka vezanih za ostvarivanje prava na naknadu prevoza na posao i prevoza s posla smatra se težom povredom radnih dužnosti i podliježe stegovnoj i materijalnoj odgovornosti (članak 5. stavak (2) Odluke).